



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԷՐԵԲՈՒՆԻ ՎԱՐՉԱԿԱՆ ՇՐՋԱՆԻ ՂԵԿԱՎԱՐ

« 20 — դեկտեմբերի — 2021 թ.

ք. Երևան, Սասունցի Դավթի փող., հ. 87  
Հեռ.՝ (+374 11) 518 304

№ — **Վ-28/3**

Էլ. փոստ՝ erebouni@yerevan.am

## ՈՐՈՇՈՒՄ

### ՎԱՐՉԱԿԱՆ ԻՐԱՎԱԽԱԽՏՄԱՆ ՎԵՐԱԲԵՐՅԱԼ

Համաձայն Երևանի քաղաքապետարանի աշխատակազմի առևտրի և ծառայությունների վարչության աշխատակից Հայկ Մարգարյանի կողմից կազմած վարչական իրավախախտման վերաբերյալ հ. 040293 արձանագրության՝ Ա/Ձ Գրիգոր Հովհաննիսյանի կողմից ք. Երևան, Էրեբունու փողոցի հ. 14/7 հասցեի դիմաց մոտ տարածքում՝ ոչ սահմանված վայրում իրականացվում էր առևտուր:

Նշված իրավախախտման վերաբերյալ 2021թ. դեկտեմբերի 16-ին հրավիրվել է վարչական վարույթի լուսմներ, որի մասին իրավախախտում կատարած Ա/Ձ Գրիգոր Հովհաննիսյանը գործի քննության մասին պատշաճ ծանուցվել է, սակայն քննությանը չի ներկայացել, ուստի համաձայն Հայաստանի Հանրապետության վարչական իրավախախտման վերաբերյալ օրենսգրքի 267-րդ հոդվածի գործը քննվել է նրա բացակայությամբ:

Կազմված հ. 040293 արձանագրության մեջ որպես իրավախախտման հոդված նշված է ՀՀ Վարչական իրավախախտումների վերաբերյալ օրենսգրքի 162-րդ հոդվածի 1-ին մասը, սակայն ուսումնասիրելով գործում առկա նյութերը հանձնաժողովը պարզեց, որ քննարկվող արարքը բնույթով համապատասխանում է ՀՀ Վարչական իրավախախտումների վերաբերյալ օրենսգրքի 162-րդ հոդվածի 2-րդ մասով սահմանված՝ արարքին՝ ոչ սահմանված վայրում առևտուր անելը:

Ղեկավարվելով Հայաստանի Հանրապետության վարչական իրավախախտումների վերաբերյալ օրենսգրքի 23-րդ հոդվածի երկրորդ կետով, 162-րդ հոդվածի 2-րդ մասով, 219.1-րդ, 281-րդ և 282-րդ հոդվածներով, Երևան քաղաքի ավագանու 2010թ մայիսի 7-ի N 96-Ն որոշման 1-ին կետով, ինչպես նաև այն հանգամանքով, որ Ա/Ձ Գրիգոր Հովհաննիսյանն առաջին անգամ է կատարվել նման իրավախախտում, որոշեցի.

1. Ա/Ձ Գրիգոր Հովհաննիսյանին Հայաստանի Հանրապետության վարչական իրավախախտումների վերաբերյալ օրենսգրքի 162-րդ հոդվածի 2-րդ մասով ենթարկել վարչական պատասխանատվության՝ նշանակել տուգանք 15.000 /տասնհինգ հազար/ ՀՀ դրամ:

2. Որոշման օրինակը երեք օրվա ընթացքում հանձնել Ա/Ձ Գրիգոր Հովհաննիսյանին:

3. Առաջարկել Ա/Ձ Գրիգոր Հովհաննիսյանին՝ միջոցներ ձեռնարկել իրավախախտման պատճառները և պայմանները վերացնելու ուղղությամբ:

4. Որոշումը կարող է բողոքարկվել վարչական կարգով՝ վարչական ակտն ուժի մեջ մտնելու օրվանից երկու ամսվա ընթացքում, կամ վարչական դատարան՝ Հայաստանի Հանրապետության օրենսդրությամբ սահմանված կարգով:

5. Ընդունելի գիտություն, որ Օրենսգրքի 305-րդ հոդվածի համաձայն՝ տուգանքը պետք է վճարվի սույն որոշումը խախտողին հանձնելու օրվանից ոչ ուշ, քան տասնհինգ օրվա ընթացքում՝ մուծում կատարելով կենտրոնական գանձապետարանի N 900015211239 հաշվին:

6. Տուգանքը սահմանված ժամկետում խախտողի կողմից չվճարելու դեպքում այն կգանձվի համաձայն Հայաստանի Հանրապետության օրենսդրության:

**ՎԱՐՉԱԿԱՆ ՇՐՋԱՆԻ**

**ՂԵԿԱՎԱՐԻ ՊԱՇՏՈՆԱԿԱՏԱՐ՝**



**ՀԱԿՈԲ ԲԱԼԱՅԱՆ**

20 դեկտեմբերի, 2021թ.  
Երևան